



Broj: 07-07-45-13634/26
Sarajevo, 03.04.2026. godine

Na osnovu člana 37a. stav 5. i člana 51. stav 2. Zakona o lovstvu („Službene novine FBiH”, br. 4/06, 8/10 i 81/14) i Odluke Vlade Kantona Sarajevo broj: 02-04-9183-13/26 od 19.03.2026. godine o usvajanju o Programa utroška sredstava iz Budžeta Kantona Sarajevo u cilju unapređenja lovstva na području Kantona Sarajevo za 2026. godinu, Ministarstvo privrede Kantona Sarajevo objavljuje

JAVNI POZIV
za dodjelu sredstava za projekte unaprijeđenja lovstva iz Budžeta Kantona Sarajevo
za 2026. godinu

1. PREDMET JAVNOG POZIVA:

Prijava projekata za unaprijeđenje lovstva, a čija će se realizacija finansirati/sufinansirati iz Budžeta Kantona Sarajevo za 2026. godinu sa pozicije Ministarstva privrede Kantona Sarajevo.

Pod unapređivanjem lovstva smatra se:

- zaštita, održavanje i poboljšanje životnih uvjeta za divljač u lovištu (poboljšavanje ispasišta, dodatno hranjenje, održavanje solila i pojilišta);
- dostizanje i održavanje odgovarajuće spolne i starosne strukture pojedinih vrsta divljači u okviru utvrđenog kapaciteta lovišta;
- unošenje novih vrsta divljači u lovište;
- čuvanje i zaštita divljači i lovišta;
- izgradnja lovno-uzgojnih i lovno-tehničkih objekata;
- preduzimanje mjera za smanjenje šteta koje počinu divljač;
- stručno osposobljavanje kadrova;
- izrada planskih dokumenata;
- naučno-istraživački rad u lovstvu;
- nabavka rasnih lovačkih pasa i
- izdavačka djelatnost.

Ukupan iznos novčanih sredstava za sve projekte iznosi 20.000,00 KM.

Napomena:

- sredstva koja se dodjeljuju isključivo su namjenjena realizaciji malih projekata iz oblasti lovstva,
- projekti koji se prijavljuju moraju biti precizno obrazloženi uz argumentovanje ciljeva i očekivanih rezultata,
- ne mogu se prijaviti projekti koji su napravljeni samo u korist članova lovačkih udruženja,
- administrativni troškovi koji su predviđeni projektom neće se finansirati/sufinansirati.

2. PRAVO UČEŠĆA NA JAVNOM POZIVU

Pravo učešća na ovom javnom pozivu imaju lovačka udruženja koja sa Ministarstvom privrede Kantona Sarajevo imaju zaključen ugovor o zakupu sportsko-privrednog lovišta na područja Kantona Sarajevo (u daljem tekstu: korisnici lovišta).

Korisnici lovišta imaju pravo na ovaj javni poziv prijaviti jedan projekat.

3. USLOVI ZA UČEŠĆE

Korisnici lovišta po ovom javnom pozivu moraju ispunjavati sljedeće uslove:

- da je podnosilac zahtjeva uplatio zakupninu za korištenje lovišta za lovnu 2026/27 godinu,
- da su korisnici lovišta dobili saglasnost Ministarstva privrede na godišnji plan gospodarenja lovištem za lovnu 2026/27 godinu.
- da nema neizmirenih poreznih obaveza i obaveza u vezi s plaćanjem penzijsko-invalidskog i zdravstvenog osiguranja

4. POTREBNA DOKUMENTACIJA

Korisnici lovišta moraju po ovom javnom pozivu da dostave sljedeću dokumentaciju:

- a) popunjen, potpisan i ovjeren prijavni obrazac (koji se može preuzeti na web stranici Ministarstva privrede <http://mp.ks.gov.ba>)
- b) Projekat sa budžetom ovjeren i potpisan od strane podnosioca;
- c) Uvjerenje/potvrdu o urednom izmirenju direktnih poreza, doprinosa za penzijsko-invalidsko i zdravstveno osiguranje izdato od Poreske uprave Federacije Bosne i Hercegovine, ne starije od 3 mjeseca od dana podnošenja prijave,
- d) Izjavu potpisanu i ovjerenu od ovlaštene osobe za zastupanje da će sredstva dodijeljena po ovom javnom pozivu namjenski utrošiti shodno kandidovanom projektu,
- e) Izjavu ovjerenu i potpisanu od ovlaštenog lica za zastupanje o visini vlastitog učešća u implementaciji prijavljenog projekta, sa naznačenim iznosom vlastitog učešća.

Napomena:

Ako postoji partner na projektu, podnosilac prijave je dužan uz izjavu dostaviti dokaz o visini sredstava kojima će isti sufinansirati projekat (sporazum o saradnji ili ugovor). Ukoliko je projekat sufinanciran iz više izvora, u prijavnom obrascu upisati finansijsku konstrukciju, u suprotnom projekat neće biti uzet u razmatranje.

Dokumentacija se prilaže u originalu ili ovjerenj kopiji.

5. RANGIRANJE

Rang lista korisnika lovišta, koji su dostavili svu potrebnu dokumentaciju na način određen ovim javnim pozivom, utvrdit će se na temelju izvršenog bodovanja prema sljedećim kriterijima:

1. Značaj aktivnosti sa aspekta unapređenja lovstva:
 - Projekti nabavke i unošenja divljači – 5 bodova,
 - Projekti kojima je planirana izgradnja lovno tehničkih objekata – 2 boda,
 - Projekti kojima je planirana izgradnja lovno uzgojnih objekata – 5 bodova,
 - Projekti koji imaju za cilj uzgoj i zaštitu divljači – 5 bodova,
 - Stručno osposobljavanje kadrova u lovstvu – 2 boda,
 - Naučno-istraživački rad u lovstvu – 5 boda,
 - Izdavačka djelatnost u lovstvu – 2 boda,
2. Organizovanost i broj članova udruženja (od 1 do 5 bodova)
 - do 100 članova dodjeljuje se 1 bod,
 - od 101 do 200 članova 2 boda,

- od 201 do 300 članova 3 boda,
 - od 301 do 400 članova 4 boda i
 - od 401 do 500 članova 5 bodova;
3. Sufinansiranje projekta:
- do 10% dodjeljuje se 10 bodova,
 - od 11% do 20% dodjeljuje se 20 bodova,
 - od 21% do 30% i više dodjeljuje se 30 bodova,
4. Visina uplate zakupnine za korištenje lovišta koju je korisnik lovišta uplatio za lovnu 2026/2027. godinu:
- korisnik lovišta koji je uplatio najveći iznos zakupnine dobiva 7 bodova, a svaki naredni dobiva po jedan bod manje.

6. ROK, ADRESA I NAČIN PODNOŠENJE PRIJAVA

Rok za podnošenje prijave je 15 dana od dana objavljivanja Javnog poziva u sredstvima javnog informisanja i web stranici Kantona Sarajevo.

Prijave sa potrebnom dokumentacijom podnose se u zatvorenoj koverti isključivo na centralni protokol Kantona Sarajevo, na adresu:

Kanton Sarajevo
Ministarstvo privrede
Reisa Džemaludina Čauševića 1
71 000 Sarajevo

sa naznakom:

“Javni poziv za dodjelu sredstava za projekte unaprijeđivanja lovstva iz Budžeta Kantona Sarajevo za 2026. godinu”
- NE OTVARAJ -

7. DODATNE INFORMACIJE

Odluku o odabiru i odobravanju novčanih sredstava korisnicima lovišta donijet će ministar privrede Kantona Sarajevo i ista će se objaviti na web stranici ovog ministarstva.

Sa gore odabranim korisnicima lovišta ovo ministarstvo će potpisati pojedinačne ugovore.

Kandidatima koji ne budu odabrani dostavit će se obavijest sa obrazloženjem.

Za sve dodatne informacije vezane za ovaj javni poziv kontakt telefon je 033/562-233.

MINISTAR

Zlatko Mijatović